



OPĆINSKO VIJEĆE

Broj:04-1-09-295-1/23

Datum: 23.02. 2023.godine

Na osnovu člana 2.12 stav (5) Izbornog zakona BiH ("Službeni glasnik BiH", broj: 23/01, 07/02, 09/02, 20/02, 25/02, 4/04, 20/04, 25 /05, 52/05, 65/05, 77/05, 11/06, 24/06, 32/07, 33/08, 37/08, 32/10 i 18/13, 07/14, 31/16, 41/20, 38/22 i 51/22), člana 7. Uputstva o utvrđivanju kvalifikacija, broju i imenovanju, obuci i razrješenju članova Izborne komisije osnovne izborne jedinice u Bosni i Hercegovini („Službeni glasnik BiH“, broj:1/22-Prečišćeni tekst i 13/22) i člana 1. Odluke o objavljivanju javnog oglasa za imenovanje dva člana Općinske izborne komisije Foča (FBiH), Općinsko vijeće Foča objavljuje:

PONOVNI JAVNI OGLAS za imenovanje dva člana Općinske izborne komisije Foča (FBiH)

I

- (1) Objavljuje se Ponovni javni oglas za imenovanje dva člana Općinske izborne komisije Foča (F BiH).
- (2) Članove Općinske izborne komisije Foča (FBiH) imenuje Općinsko vijeće Foča, uz saglasnost Centralne izborne komisije Bosne i Hercegovine na period od 7 (sedam) godina.
- (3) U skladu sa Izbornim zakonom BiH i Uputstvom o utvrđivanju kvalifikacija, broju i imenovanju, obuci i razrješenju članova Izborne komisije osnovne izborne jedinice u Bosni i Hercegovini („Službeni glasnik BiH“, broj:1/22-Prečišćeni tekst i 13/22) osoba koja je kandidat za člana općinske izborne komisije Foča (F BiH) treba ispunjavati slijedeće **opće uslove**:
 1. da je osoba sa pravom glasa,
 2. da je osoba sa odgovarajućom stručnom spremom i iskustvom na provedbi izbora

II

- (1) Pored općih uslova iz tačke I ovog javnog oglasa, osoba koja je kandidat za člana općinske izborne komisije Foča (FBiH) mora ispunjavati i slijedeće **posebne uslove**:
 1. da ima prebivalište na području općine Foča;
 2. da ima završen fakultet VII/1 stepen stručne spreme ili završen fakultet Bolonjskog sistema studiranja sa najmanje 180 ETSC i
 3. da posjeduje iskustvo u provođenju izbora.
- (2) Pod iskustvom u provođenju izbora podrazumijeva se:
 1. članstvo u izbornoj komisiji i
 2. članstvo u biračkom odboru na izborima obuhvaćenim Izbornim zakonom BiH.

(3) **Izuzetno** član izborne komisije može biti osoba koja ima završenu višu školu, odnosno VI stepen stručne spreme, ukoliko je potrebno ispoštovati odredbe člana 2.14 stav 1. Izbornog zakona BiH.

III

(1) Sastav Općinske izborne komisije je multietničan tako da odražava zastupljenost konstitutivnih naroda uključujući i ostale vodeći računa o posljednjem popisu stanovništva provedenom na državnom nivou.

(2) U sastavu Općinske izborne komisije, nastojat će se obezbijediti ravnopravna zastupljenost spolova u skladu sa Zakonom o ravnopravnosti spolova u BiH.

IV

(1) U skladu sa članom 2.3 Izbornog zakona BiH, za člana izborne komisije ne može biti imenovana osoba:

- koja se ne može kandidovati u smislu odredbi člana 1.6, 1.7 i 1.7a Poglavlje I Izbornog zakona BiH;
- koja je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora);
- koja je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona BiH;
- koja je kandidat za izbore za bilo koji nivo vlasti u Bosni i Hercegovini;
- kojoj je izrečena kazna za težu povredu Izbornog zakona BiH ili propisa za koji je lično odgovorna, u posljednje četiri godine, računajući od dana pravosnažnosti odluke.

V

(1) Član izborne komisije može biti predsjednik ili sudija redovnog suda, sekretar općinskog vijeća, odnosno skupštine i skupštine grada, odnosno gradskog vijeća, lica profesionalno zaposlena u općinskim organima uprave i druga lica, ako ispunjavaju uslove određene članom 2.2. stav (1) i (2) Izbornog zakona, a nemaju smetnji iz člana 2.3. Izbornog zakona BiH.

(2) Član Općinske izborne komisije ne može biti zastupnik, odnosno punomoćnik političkog subjekta koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci i duže (član 2.12 stav (7) Izbornog zakona BiH).

(3) Član Općinske izborne komisije ne može biti osoba koja obavlja izvršnu funkciju, kako je utvrđeno odredbom člana 1.8. stav (6) Izbornog zakona BiH, niti lice koje je aktuelni kandidat ili je bio kandidat za bilo koji nivo vlasti na posljednjim općim i/ili posljednjim lokalnim izborima.

VI

Uz prijavu na javni oglas potrebno je dostaviti slijedeću dokumentaciju:

1. Prijava na Ponovni javni oglas koja sadrži: prijavni obrazac sa kontakt podacima podnosioca prijave, listu dostavljenih dokumenata i svojeručni potpis podnosioca prijave, te dokumente koji dokazuju ispunjavanje uvjeta iz javnog oglasa (obrazac prijave kandidati mogu dobiti u šalter Sali Općine Foča, kao i na web stranici Općine Foča www.foca-ustikolina.ba);
2. Ovjerenu kopiju diplome o završenom stepenu i vrsti stručne spreme, nostrifikovanu – priznatu diplomu ukoliko fakultet nije završen u Bosni i Hercegovini, uključujući diplome stečene nakon 06.04.1992. godine u nekoj od država nastalih raspadom SFRJ, a u skladu sa propisima nadležnog organa koji vrši nostrifikaciju-priznavanje inostranih diploma;
3. Ovjerenu fotokopiju lične karte;

4. dokaz o izbornom iskustvu kandidata koji mora sadržavati podatke o nazivu izborne komisije i mandatnom periodu, odnosno vrsti i godini izbora i nazivu biračkog mjesta u kojem je kandidat bio član biračkog odbora, te podatak da je kandidat bio angažovan u radu biračkog odbora i obavljao ovu dužnost (potvrda izborne komisije o imenovanju i radu u biračkom odboru, rješenje o imenovanju u izbornu komisiju ili birački odbor u mandatnom razdoblju);
5. dokaz o naučnom znanju i /ili položenom pravosudnom ispitu i/ili nosiocu pravosudne funkcije i/ili prisustvu obukama u organizaciji Centralne izborne komisije BiH (ukoliko kandidat posjeduje navedeno – dodatno bodovanje)
6. obrazac PBA-3 o prebivalištu kandidata, ne starije od tri mjeseca;
7. svojeručno potpisanu i od nadležnog organa ovjerenu izjavu o nacionalnom izjašnjenju kandidata sa posljednjeg popisa stanovništva u Bosni i Hercegovini (koja obavezno sadrži tekst „sa posljednjeg popisa stanovništva“);
8. svojeručno potpisanu i od nadležnog organa ovjerenu izjavu da kandidat nije obuhvaćen odredbama člana 2.3. Izbornog zakona BiH (obrazac izjave dostupan na web stranici i u šalter sali Općine);
9. svojeručno potpisanu i od nadležnog organa ovjerenu izjavu o nepostojanju smetnji iz tačke V ovog javnog oglasa (član 2.12 stav (7) Izbornog zakona BiH), odnosno da osoba koja je kandidat za člana općinske izborne komisije nije zastupnik, odnosno punomoćnik političkog subjekta koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci ili duže;
10. svojeručno potpisanu i od nadležnog organa ovjerenu izjavu o nepostojanju smetnji iz člana 1.8.stav (6) Izbornog zakona BiH, odnosno da osoba koja je kandidat za člana Općinske izborne komisije nije osoba koja obavlja izvršnu funkciju, odnosno osoba koju je na dužnost imenovalo Vijeće ministara BiH, Vlada Federacije BiH, Vlada Republike Srpske, kantonalna vlada i općinsko vijeće, odnosno skupština općine.

VII

Dokumenti koji se dostavljaju kao dokaz o ispunjavanju uslova oglasa moraju biti originali ili ovjerene kopije.

Javni oglas će se objaviti u dnevnim novinama „Oslobođenje“, RTV BPK-a, a Integralni tekst Javnog oglasa biće objavljen na web stranici općine Foča (FBiH) (www.foca-ustikolina.ba) i na oglasnoj ploči općinske uprave Foča (FBiH).

Rok za podnošenje prijave je 8 (osam) dana od dana objave u dnevnim novinama.

Centralna izborna komisija je sačinila listu pitanja iz četiri različite oblasti iz izbornog zakonodavstva i izbornog procesa i to: nadležnosti izbornih komisija i biračkih odbora, provedba izbora i zaštita izbornog prava, planiranje aktivnosti i budžet, Etički kodeks organa za provođenje izbora i poslovnik o radu izbornih komisija.

Po zatvaranju Javnog oglasa, Komisija za izbor i imenovanja - Konkursna komisija izvršit će klasifikaciju kandidata na one koji ispunjavaju uslove Javnog oglasa i na one koji ne ispunjavaju uslove.

Sa kandidatima koji ispunjavaju uslove Javnog oglasa, Komisija će obaviti intervju, nakon čega će sačiniti rang listu sa redoslijedom kandidata, prema uspjehu postignutom na intervjuu (ukupnom broju bodova) u skladu sa članom 10. Uputstva o utvrđivanju kvalifikacija, broju i imenovanju, obuci i razrješenju članova Izborne komisije osnovne izborne jedinice u Bosni i Hercegovini („Službeni glasnik BiH“, broj:67/21, 73/21, 1/22 i 13/22). Lista pitanja za intervju sa kandidatima bez odgovora na pitanja, je objavljena na internet stranici Centralne izborne komisije i na taj način je dostupna javnosti.

https://www.izbori.ba/Documents/2021/eticki_kodeks/et_Lista_2-bos.pdf

Prijave sa potrebnom dokumentacijom treba dostaviti lično na protokol Općine ili preporučenom poštom na adresu:

Općina Foča, Općinsko vijeće Foča (FBiH) Komisija za izbor i imenovanja - Konkursna komisija ,Ulica Omladinska bb.,73 250 Ustikolina, sa naznakom: **“JAVNI OGLAS ZA IMENOVANJE DVA ČLANA OPĆINSKE IZBORNE KOMISIJE - NE OTVARATI“**.

Neblagovremene i nepotpune prijave neće se uzimati u razmatranje.



Zamjenik predsjedavajućeg OV-a

Nedžad Gagula